



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e autorizimit të ekspertit	Date e dorëzimit të raportit	Nr. i lëndës
Sahit Beqiri	21.07.2023	24.07.2023	2023/0506

BAZA LIGJORE E SHQYRTIMIT

Me datën: **20.07.2023**, OE: **"N.T.SH." CREATIVE DESIGN ""- Prishtinë**, ka parashtruar ankesë me nr: **2023/0506**, kundër njoftimit për dhënie të kontratës ku është rekomanduar për kontratë OE: **"Rroni" Sh.p.k.- Prishtinë**, lidhur me aktivitetin e prokurimit: **"Furnizim me emblema për Njësinë Speciale"**, me nr. të prokurimit: **"214-23-6309-1-3-6"**, iniciuar nga Autoriteti Kontraktues (AK) – **POLICIA E KOSOVËS**.

Autoriteti kontraktues ka zbatuar procedura e koutimit të çmimit, lloji i kontratës: furnizim, vlera e parashikuar e kontratës: **9,930.00 €**. Nëse është e përsëritur ankesa, të shënohet se lidhur me këtë lëndë **NUK** është nxjerr një vendim i mëparshëm i OSHP - së.

Konform nenit 113, 114 të Ligjit Nr. 04/L - 042, i plotësuar dhe ndryshuar me Ligjin 04/L - 237, Ligjin 05/L -068, dhe Ligjin 05/L -092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

(Të përshkruhen dispozitat e shkelura dhe vetëm pikat e ankese)

Neni 1 i LPP-së

Neni 7 i LPP-së

Neni 59 i LPP-së

Neni 60 i LPP-së

Neni 69 i LPP-së.

Deklarata detale mbi faktet dhe argumentet

Njoftimi për kontratë është bërë me dt. 20.06.2023, kurse hapja e ofertave është bërë me dt. 26.06.2023, ku kanë qenë 4 ofertues.

Njoftimi mbi vendimin e AK-se është publikuar me dt. 05.05.2023 ku është rekomanduar për kontratë për RRONI Shpk, kurse neve na është dërguar letra standarde për tenderues të eliminuar me arsyetimin si ne vijim

Te logo NJSI

Është kërkuar që diametri të jetë 8 cm, ndërsa në mostrën e ofruar nga OE diametri është 7.9 cm

Te logo NJSO,

Është kërkuar që diametri të jetë 8 cm, ndërsa në mostrën e ofruar nga OE diametri është 7.8 cm

Te logo IEDD,

Është kërkuar që diametri të jetë 8 cm, ndërsa në mostrën e ofruar nga OE diametri është 7.9 cm

Te logo K9,

Është kërkuar që diametri të jetë 8 cm, ndërsa në mostrën e ofruar nga OE diametri është 7.9 cm

Në lidhje me arsyet e AK-se për eliminimin tonë, ju sqarojmë se mostrat tona të prezantuara me rastin e ofertimit, janë të gjitha sipas specifikimeve të kërkuara, andaj arsyeja e të njëjtës është e pa bazuar dhe e pa pranueshme.

Kërkojmë nga ana juaj që të detyroni autoritetin kontraktues të analizojë në tërësi edhe njëherë mostrat e prezantuara nga ne dhe të vijë në përfundim të sakta, pasi që siç e cekem ne i kemi prezantuar mostrat konform kërkesës së dosjes së tenderit.

Duhet cekur faktin se në këtë aktivitet të prokurimit janë përdorur standarde favorizuese nga AK-ja ku është rekomanduar për kontratë një OE i cili është i përgjegjshëm, ndërsa na ka eliminuar neve me arsyetime krejtësisht të pa bazuara.

OE i rekomanduar për kontratë është i përgjegjshëm për faktet si ne vijim:

Raporti i ekspertit shqyrtues, lidhur me ankesën e parashtruar nga OE "N.T.SH." CREATIVE DESIGN "", lidhur me aktivitetin e prokurimit "Furnizim me emblema për Njësinë Speciale" me numër të prokurimit: "214-23-6309-1-3-6, të iniciuar nga Autoriteti Kontraktues (AK) – POLICIA E KOSOVËS



LOGO NJSI



Mostra Obligative,

Diametri 8 cm

Rrethi duhet të jetë i qendisur

Të këtë pjesën tjetër mbrapa VELCRO për fiksime në uniformë .

Emblema të jetë e thurur/nderlidhur sipas dizajnit me ngjyrë dhe përshkrimit në foto.

Pozicioni NR1. Logo e NISO

Emblema të jetë e thurur/nderlidhur sipas dizajnit me ngjyrë dhe përshkrimit në foto.

Mostra e kerkuar nga AK



Mostra e ofruar nga OE

Thurur/Qendisur



Shkronja te vogla

Kur analizohet ne tërësi mostra e prezantuar nga OE i rekomanduar per kontrate, atëherë shihet qartë se mostra e te njëjti as per se afërmi nuk është e njëjte me mostrën qe autoriteti kontraktues e ka kërkuar. NE fotot e lartcekura ne i kemi vendosur disa nga dallimit ndërmjet mostre se OE te rekomanduar per kontrate dhe mostre se kërkuar nga ju dheshme lehte verohen gabimet tek mostra e OE te rekomanduar per kontrate. Fillimisht ngjyra e gjelbër nuk është e njëjta sikurse ne fotografi, përkatësisht nuk është prezantuar sipas kërkesës se dosjes se tenderit.

Gjithashtu, pjesa tek rrethi i brendshme është dashur te jete i qëndisur me penj, ndërsa mostra e OE te rekomanduar per kontrate nuk është e qëndisur me penj tek rrethi brendshme. Shkronjat "SPECIALE INTERVENTION UNIT", sipas mostre se AK-se është dashur te jene me te vogla, mirëpo OE i rekomanduar per kontrate i ka prezantuar me te mëdha.

LOGO NISO:

Raporti i ekspertit shqyrtues, lidhur me ankesën e parashtuar nga OE “N.T.SH.” CREATIVE DESIGN ””, lidhur me aktivitetin e prokurimit “Furnizim me emblema për Njësinë Speciale” me numër të prokurimit: “214-23-6309-1-3-6, të iniciuar nga Autoriteti Kontraktues (AK) – POLICIA E KOSOVËS



Mostra Obligative,

Diametri 8 cm

Rrethi duhet të jetë i qendisur

Të ketë pjesën tjetër mbrapa VELCRO për fiksime në uniformë.

Emblema të jetë e thurur/nderlidhur sipas dizajnit me ngjyrë dhe përshkrimit në foto.

Pozizioni NR2. Logo e NJSO

Ëmblema të jetë e thurur/nderlidhur sipas dizajnit me ngjyrë dhe përshkrimit në foto.

Mostra e kerkuar nga AK

Mostra e ofruar nga OE

Thurur/Qondour



Sikurse e cekem me lart edhe ne këtë rast mostra e OE te rekomanduar per kontrate nuk është prezantuar sikurse qe është kërkuar, pra nuk është as per se afërmi e njëjte me mostrën e kërkuar nga ana e AK-se.

Mostra e prezantuar nga OE i rekomanduar per kontrate nuk i posedon ngjyrat sipas mostre se kërkuar nga AK-ja, ndërsa pjesa tek rrethi është dashur te jete e qëndisur me penj. Pra edhe ne këtë rast kemi te bëjmë me dallimi rrënjësore, pasi qe përveç se nuk i posedon specifikat sipas kërkesës se dosjes se tenderit, e njëjta edhe formën e ka ovale dhe jo te rrumbullaket, ku ky fakt vërtetohet nga fotot e lartcekura.

LOGO K9:



Mostra Obligative,

Diametri 8 cm

Të këtë pjesën tjetër mbrapa VELCRO për fiksime në uniformë.

Emblema të jetë e thurur/nderlidhur sipas dizajnit me ngjyrë dhe përshkrimit në foto.

Pozicioni NR4 Logo e K-9

Emblema të jetë e thurur/nderlidhur sipas dizajnit me ngjyrë dhe përshkrimit në foto.

Mostra e kerkuar nga AK



Mostra e ofruar nga OE



Tek kjo mostër sikurse edhe me lart shihen dallimit qe janë ndërmjet dy mostrave, edhe ne këtë rast ngjyrat nuk janë prezantuar sikurse ne fotografi, ndërsa edhe forma e emblemës nuk është e rrumbullakët po reshte ovale. Kur analizohet mostra e OE të rekomanduar për kontratë harta e Kosovës është shumë më e madhe se sa harta në mostrën e prezantuar nga ana e AK-se. Qeni nuk është prezantuar sipas fotos së lartcukur, pra nuk është prezantuar sipas mostre së kërkuar nga autoriteti kontraktues. Pra edhe në këtë rast kemi të bëjmë me dallimi të mëdha tek mostrat dhe i njëjti OE nuk është dashur të rekomandohet për kontratë sepse nuk i ka prezantuar mostrat sipas kërkesë së dosjes së tenderit.

LOGO e PK-së



Mostra Obligative,

Diametri 9 cm, 7 Kende

Rrethi duhet te jete I qendisur

Të ketë pjesën tjetër mbrapa VELCRO për fiksime në uniformë.

Emblema të jetë e thurur/nderlidhur sipas dizajnit me ngjyrë dhe përshkrimit në foto.

Pozicioni NR5. Logo e PK

Emblema të jetë e thurur/nderlidhur sipas dizajnit me ngjyrë dhe përshkrimit në foto.

Mostra e kerkuar nga AK



Mostra e ofruar nga OE



Mjafton vetëm të shikohet mesazhi pa hyrë fare në detaje dhe shihen qartë dallimet që i ka mostra e OE të rekomanduara për kontratë në krahasim me mostrën e AK-së. Ngjyrat nuk janë fare si në foto, përkatësisht ngjyra e hirtit. Po ashtu harta e Kosovës ka shumë dallime në mostrën e OE të rekomanduar për kontratë kur krahasohet me mostrën e AK-së të cilën e ka prezantuar.

Flamuri i Kosovës:



Mostra Obligative,
Diametri 6cm x 4.5cm
Rrethi duhet të jetë i qendrisur
Të këtë pjesën tjetër mbrapa VELCRO për fiksime në uniformë,
Emblema të jetë e thurur/nderlidhur sipas dizajnit me ngjyrë dhe përshkrimin në foto.

Pozicioni NR6, Flamuri i Kosovës
Emblema të jetë e thurur/nderlidhur sipas dizajnit me ngjyrë dhe përshkrimin në foto.

Mostra e kerkuar nga AK



Mostra e ofruar nga OE



Pra edhe në këtë rast mjafton vetëm të analizohen mostrat e prezantuara nga OE të rekomanduara për kontratë dhe mostra e prezantuar nga ana e AK-së dhe shumë lehtë shihen dallimet esenciale ndërmjet mostrave. Ngjyra e flamurit nuk është sipas mostre së AK-së dhe gjithashtu thurja me të cilën është punuar mostra e OE të rekomanduar për kontratë nuk është sipas kërkesës. Për ne është i çuditëshim fakti se si AK-ja e ka rekomanduar për kontratë një OE të tillë i cili pothuajse asnjëherë nga mostrat e kërkuara nuk e ka prezantuar sipas kërkesave të dosjes së tenderit.

Kërkojmë nga ana juaj të detyroni AK të analizojë në tërësi edhe një herë dokumentet e OE të rekomanduar për kontratë përkatësisht mostrat e tij dhe të nxjerrë përfundime konkrete, pasi që me të

gjitha këto mangësi të OE të rekomanduar për kontratë, nuk mund dhe nuk është dashur të rekomandohet për kontratë ky operator ekonomik pasi që i njëjti është i papërgjegjshëm.

Ne me dt. 11.07.2023 kemi pranuar vendimin për refuzimin e kërkesës për rishqyrtim ku AK-ja është arsyetuar se e njëjta është e pa bazuar mirëpo nuk ka dhënë ndonjë arsye konkrete për një refuzim të tillë. Kur analizohet vendimi për refuzimin e kërkesës për rishqyrtim shihet se AK-ja për secilin pretendim tonin ankimor kundrejt OE të rekomanduar për kontratë ka dhënë arsyetimin e njëjte *"Është bërë vlerësimi dhe matjet nga komisioni dhe është konstatuar se janë përmbushur specifikat e kërkuara nga AK"*.

Pra pasi që AK-ja nuk ka mundur të arsyetojë me fakte konkrete të kundërtën e pretendimeve tona ankimore e njëjta vetëm e ka cekur se nga komisioni është konstatuar se OE i rekomanduar për kontratë i plotëson kërkesat.

Andaj duke u bazuar në këto fakte kuptohet qartë se arsyetimet e AK-së në lidhje me refuzimin e pretendimeve tona ankimore kundrejt OE të rekomanduar për kontratë janë të paqëndrueshme dhe të pa bazuara.

Në lidhje me arsyetimin tjetër sa i përket pretendimeve në lidhje me arsyetimet e eliminimit të tona, AK-ja e ka cekur edhe në këtë rast arsyetimin e njëjte sikurse e arsyetimet tjera, pra e ka theksuar se komisioni i ka bërë vlerësimin dhe se kështu nuk i kemi plotësuar specifikat e kërkuara.

Ky arsyetim i AK-së është i pa pabazuar dhe njëkohësisht i pa qëndrueshëm në fakte dhe dëshmi konkrete, sepse nëse mostrat e prezantuara nga ne nuk dot e ishin sipas specifikave teknike atëherë e njëjta dot e prezantonte foto nga matjet ose ndonjë dëshmi tjetër.

Fakti se ne i kemi prezantuar mostrat me specifikat e kërkuara po ju vërtetojmë me disa foto ku ne i kemi bërë matjet mostrave tona dhe nga të njëjtat kuptohet qartë se ne kemi OE i përgjegjshëm.

Raporti i ekspertit shqyrtues, lidhur me ankesën e parashtruar nga OE “N.T.SH.” CREATIVE DESIGN ””, lidhur me aktivitetin e prokurimit “Furnizim me emblema për Njësinë Speciale” me numër të prokurimit: “214-23-6309-1-3-6, të iniciuar nga Autoriteti Kontraktues (AK) – POLICIA E KOSOVËS



Raporti i ekspertit shqyrtues, lidhur me ankesën e parashtruar nga OE "N.T.SH." CREATIVE DESIGN "", lidhur me aktivitetin e prokurimit "Furnizim me emblema për Njësinë Speciale" me numër të prokurimit: "214-23-6309-1-3-6, të iniciuar nga Autoriteti Kontraktues (AK) – POLICIA E KOSOVËS



Kërkojmë ti analizoi ne tërësi mostrat e prezantuara nga ne dhe dëshmitë e lartcekura, pasi që ne jemi eliminuar nga ana e AK-se me arsyetime të pa bazuara dhe të paqëndrueshme.

Duke u bazuar në dëshmitë dhe faktet që u cekën më lart, rezultojnë se ekzaminimi, vlerësimi dhe krahasimi i tenderëve nuk është bërë në harmoni me nenin 59 të LPP-së dhe njëkohësisht nuk është respektuar edhe kriteri kryesor për dhënien e kontratës dhe që

ka qene tenderi i përgjegjshëm me çmimin më të ulët sipas nenit 60 paragrafi 1.1 i LPP-së.

Gjithashtu nuk është respektuar edhe neni 7 i LPP-se, sepse ne jemi diskriminuar duke mos na shpallur fitues edhe pse i kemi plotësuar te gjitha kërkesat e FDT-se dhe te njoftimit per kontrate. Paragrafi 1 i nenit 7 te LPP-se e parasheh qarte qe " Autoriteti kontraktues do ti trajtoj operatoret ekonomik ne mënyre te barabartë dhe jo-diskriminues dhe dot e veproj ne mënyrë transparente".

Po ashtu paragrafi 6 i nenit 7 te LPP-se e parasheh qe " gjate udhëheqjes se aktiviteteve te prokurimit te gjitha autoritetet kontraktues do te sigurojnë; qe (vi) tenderi i zgjedhur te përputhet me te gjitha aspektet përmbajtjesore te kushteve, kriterëve dhe specifikimeve përkatëse", kurse OE i rekomanduar per kontrate është i papërgjegjshëm.

Gjate zhvillimit te kësaj procedure nuk është marr ne konsideratë edhe neni 1 i LPP-se, pasi qe dihet se qëllimi i këtij ligji është te siguroj mënyrën me efikase, me transparente dhe me te drejte te shfrytëzimit te fondeve publike, burimeve publike si dhe te gjitha fondeve dhe burimeve te tjerat e autoriteteve kontraktues ne Kosovës.

Duke u bazuar ne dëshmitë dhe argumentet qe u ceken mel arte, kërkojmë nga OSHP, qe te merr:

VENDIM

APROVOHET, si e bazuar ankesa e OE NTSH "Creative Desing"

ANULOHET, njoftimi dhe vendimi i AK-se per dhënie te kontratës dhe lënda te kthehet ne RIVLERESIM dhe gjate rivlerësimit, ekzaminimit dhe krahasimi i ofertave te behet ne harmoni me kërkesat e dosjes se tenderit, njoftimit per kontrate dhe konforme dispozitave ligjore te LPP-se.

Nëse nuk merren parasysh faktet tona, ne jemi te detyruar te vazhdimë procedurën ligjore ne institucione tjera kompetente.

Pretendimet ankimore (dispozitat e shkelura nga AK), janë të njëjta me kërkesa për rishqyrtim në autoritetin kontraktues si dhe Deklarata detale mbi faktet dhe argumentet –janë te njëjta me atë të dorëzuar në kërkesën për rishqyrtim pranë AK-së.

KRITERET PËR VLERËSIM

(Të vendosen vetëm kërkesa/kriteret që kanë të bëjnë me arsyet e eliminimit dhe/apo ato kërkesa që lidhen me pretendimet ankimore)

III.2.4) Kapaciteti teknik dhe profesional

Dëshmia e kërkuar dokumentar.

a) Operatori Ekonomik duhet të dorëzojë nga një mostër për secilin artikull para afatit të fundit të pranimi të ofertave ora 14 : 00.	a) Operatori Ekonomik duhet të dorëzojë nga një mostër për secilin artikull para afatit të fundit të pranimi të ofertave ora 14 : 00.
--	--

Aneksi 1. SPECIFIKIMET TEKNIKE TË DETYRUESHME - në FDT (Dosje tenderit)

RAPORTI I KOMISIONI VLERËSUES

(Të përshkruhet vetëm vlerësimi i ofertës së OE ankues/ofertave, për të cilat OE ankues ka pretendime ankimore).

OE: NTSH Creative Desing – eliminohet pasinuk i plotëson specifikat teknike pasi që ne specifikat teknike është kërkuar.

Pas shikimit të mostrave dhe krahasimit me specifikacionet e kërkuara i njëjti nuk i plotëson kushtet për shkak të mos përmbushjes së specifikacioneve të kërkuara:

Te logo NJSI

Është kërkuar që diametri të jetë 8 cm, ndërsa në mostern e ofruar nga OE diametri është 7.9 cm

Te logo NJSO,

Është kërkuar që diametritë të jetë 8 cm, ndërsa në mostren e ofruar nga OE diametri është 7.8 cm

Te logo IEDD,

Është kërkuar që diametri të jetë 8 cm, ndërsa në mostern e ofruar nga OE diametri është 7.9 cm

Te logo K9,

1. Është kërkuar që diametri të jetë 8 cm, ndërsa në mostern e ofruar nga OE diametri është 7.9 cm

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

///

VLERËSIMI SIPAS NENIT 4.1.26 TË LPP

///

VENDIMET E MËPARSHME TË OSHP LIDHUR ME RASTET E NGJASHME

///

ARSYETIMI PËR DEVIJIM NGA PRAKTIKA E MËPARSHME

///

PËRGJIGJE NË PRETENDIMET ANKIMORE TË OE ANKUES - N.T.SH." CREATIVE DESIGN "

- Eksperti shqyrtues, pas ekzaminimit të dosjes së tenderit, shqyrtimit të rrjedhës së procedurës së tenderimit dhe pretendimeve të palës në ankesë sqaron me sa vijon:

Përgjigje në pretendimi nr. 1

Lidhur me pretendimin në këtë aktivitet të prokurimit të operatorit ekonomik ankues, lidhur me arsyetimet e eliminimit në letrën standarde për tenderues të eliminuar, ju sqarojmë se mostrat tona të prezantuara me rastin e ofertimit, janë të gjitha sipas specifikimeve të kërkuara, andaj arsyeja e të njëjtës është e pa bazuar dhe e paqëndrueshme.

Eksperti shqyrtues sqaron, se duke u bazuar në analizën e fakteve/dëshmive të dokumentuara në platformën elektronike e-prokurim, rrjedhën dhe analizën procedurës së prokurimit, bazuar në aneksin 1 të FDT-se (dosjes së tenderit), arsyetimi nga OE ankues në ankesën tij dhe fotografimi i matjeve të mostrave nga vete OE ankues, shihet qartë se të LOGO NJSI, IEDD dhe K9, nuk kanë diametrin 8 cm, përveç LOGO NJSO e cila ka diametrin është 8 cm, prandaj AK – Komisioni i vlerësimit me rastin e eliminimit të OE ankues (është praktik e mire gjatë vlerësimit të mostrave të prezantoj fakte dhe dëshmi si p.sh. foto, etj.,) ka vepruar sipas **nenit 59 par. 4 të LPP-së**, ku thotë: "*Autoriteti kontraktues do të konsiderojë një tender si të përgjegjshëm vetëm nëse tenderi në fjalë është në përputhshmëri me të gjitha kërkesat e parashtruara në njoftimin e kontratës dhe në dosjen e tenderit*". Prandaj, duke u bazuar në këto fakte dhe duke pas parasysh kërkesën e AK të lartpërmendur dhe analizës së mësipërme vlerësojë se pretendimi i palës në ankese në këto pika nuk **janë të qëndrueshëm**.

Përgjigje në pretendimi nr. 2

Lidhur me pretendimin në këtë aktivitet të prokurimit të operatorit ekonomik ankues, lidhur me pretendimet se mostrat e dorëzuar nga OE i rekomanduar për kontratë nuk janë as për se afërmi sipas kërkesë së autoriteti kontraktues në Aneksit 1 të FDT-se, në kemi vendosur disa dallime të mostrave të OE të rekomanduar për dhënie nga ato të kërkuara nga autoriteti kontraktues.

Eksperti shqyrtues sqaron, se duke u bazuar në analizën e fakteve/dëshmive të dokumentuara në platformën elektronike e-prokurim, rrjedhën dhe analizën procedurës së prokurimit, bazuar në dëshmitë, faktet e prezantuara nga OE ankues përmes fotografive me ngjyra vërehen qartë se janë disa dallimesh p.sh.: TEK LOGO NJSI – ngjyra (por AK ka prezantuar dy logo njëra me ngjyrë të gjelbër ushtarake ndërsa, tjetra me dy ngjyra që janë me të hapura), kurse rrethi brendshëm nuk ka qene kërkesë të qëndiset me penj (edhe pse në specifikim ka qene kërkesë po citoj: "*Rrethi duhet jete i qëndisur*" pa specifikuar se cili rreth i jashtëm apo edhe rrethi i brendshëm), shkronja vërehen se nuk janë të madhësisë së kërkuar nga autoriteti kontraktues janë më të mëdha; TEK LOGO NJSO, ngjyrat nuk i posedon sikurse

ka kërkuar autoriteti kontraktues ne Aneksin 1 te FDT-së, pasi qe vërehen janë me te hapura, kurse per formën ovale OE ankues nuk ka ofruar dëshmi duke matur gjatës por vetëm përmes fotove që nuk mund te argumentohet ky pretendim; TEK LOGO K9 – harta është më e madhe se sa kërkesa e autoriteti kontraktues, qeni dallon tek veshët; TEK LOGO e PK-së, tek mostra e prezantuar nga OE i rekomanduar per kontrate, dallon ngjyra; TEK FLAMURI I KOSOVES - tek mostara e prezantuar nga OE i rekomanduar per kontrate, dallon ngjyrat, thurja skajeve te flamurit dallon si dhe po ashtu dallon ngjyra; Duke marr për bazë se pretendimet ankimore kanë te bëjnë me mostrat e prezantuar nga OE, atëherë sipas **nenit 59 te LPP-se, si dhe nenit 37 te Rregullores nr. 001/2022 per Prokurimi Publik**, ku vlerësimi është ne diskrecion te AK-së – sepse ESH po te shikoj apo inspektoj mostrat atëherë ndërhyr ne përgjegjësin/kompetencat e AK, mirëpo ESH bazohet ne faktet dhe dëshmitë e prezantuar nga OE ankues (sqarim: *AK te inspektoj me kujdes mostrat dhe te respektoj nenin 59 të LPP-se, dhe nëse asnjë nga OE nuk arrin te kaloj inspektimin e mostrave ashtu siç janë kërkuar nga AK, atëherë te veproj sipas nenit 62 të LPP-së*) prandaj ESH sqaron se AK – komisioni i vlerësimit nuk ka vepruar sipas **nenit 59 par. 4 të LPP-së**, ku thotë: *“Autoriteti kontraktues do të konsiderojë një tender si të përgjegjshëm vetëm nëse tenderi në fjalë është në përputhshmëri me të gjitha kërkesat e parashtruara në njoftimin e kontratës dhe në dosjen e tenderit. Pavarësisht nga e mëparshmeja, autoriteti kontraktues mund të konsiderojë një tender si të përgjegjshëm nëse: (i) përmban vetëm gabime ose paqartësi të cilat mund të korrigjohen pa ndryshuar kushtin material apo aspektin e tenderit ne fjalë, ose (ii) përmban vetëm devijime të vogla që nuk mund të shkaktojnë ndryshime materiale ose devijime nga karakteristikat, kushtet, dhe kërkesat e tjera të parashtruara në njoftimin e kontratës dhe në dosjen e tenderit; me kusht që, çfarëdo devijimi i tillë të kuantifikohet, aq sa është e mundshme, dhe të merret parasysh gjatë vlerësimit dhe krahasimit të tenderëve”*. Prandaj, duke u bazuar ne këto fakte dhe duke pas parasysh kërkesën e AK te lartpërmendur dhe analizës se mësipërme vlerësojë se pretendimi i palës në ankesë në këto pika **janë pjesërisht të qëndrueshëm**.

Përgjigje në pretendimi nr. 3

Lidhur me pretendimin ne këtë aktivitet te prokurimit te operatorit ekonomik ankues,se kur analizohet vendimi per refuzimin e kërkesës per rishqyrtim shihet se AK-ja per secilin pretendim tonin ankimor kundrejt OE te rekomanduar per kontrate ka dhënë arsytimin e njëjte *“Është bere vlerësimi dhe matjet nga komisioni dhe është konstatuar se janë përmbushur specifikat e kërkuara nga AK”*. Pra pasi qe AK-ja nuk ka mundur te arsyetoj me fakte konkretet e kundërtën e pretendimeve tona ankimore e njëjta vetëm e ka cekur se nga komisioni është konstatuar se OE i rekomanduar per kontrate i plotëson kërkesat. Andaj duke u bazuar ne këto fakte kuptohet qarte se arsyetimet e AK-se ne lidhje me refuzimin e pretendimeve tona ankimore kundrejt OE te rekomanduar per kontrate janë te paqëndrueshme dhe te pa bazuara.

Gjithashtu, **Eksperti shqyrtues sqaron**, se duke u bazuar ne analizën e fakteve/dëshmime të dokumentuara ne platformën elektronike e-prokurim, rrjedhën dhe analizën procedurës se prokurimit, lidhur me këtë aktivitet të prokurimit, OE ankues përmes platformës elektronike e-prokurim ka paraqitur kërkesë për rishqyrtim me date 10.07.2023, kurse ZPP me date 11.07.2023 përmes platformës elektronike e-prokurim nxjerr vendimin mbi refuzimin e kërkesës për rishqyrtim, duke vepruar ne pajtim te plotë me **nenin 108/A par. 9 te LPP-se**, ku thotë: *“Refuzimi do të arsyetohet dhe do ti komunikohen me shkrim, në përputhje me këtë ligj, parashtruesit të ankesës dhe të gjitha palëve të interesuara, nëse ka ndonjë.”* si dhe **nenin 108/A par. 12 te LPP-se**, ku thotë: *Kundërshtimet dhe vendimet e miratuara në përputhje me paragrafët 8 dhe 10 të këtij neni, duhet të*

jenë të arsyetuara dhe ti komunikohen me shkrim, në përputhje me këtë ligj, parashtruesit të ankesës dhe të gjitha palëve të interesuara, nëse ka ndonjë", mirëpo bazuar ne vendimin mbi refuzimin e kërkesës për rishqyrtim, nuk janë bindëse dhe as të argumentuar në gjuhën e fakteve dhe argumenteve - provave apo të bazuar në dispozita ligjore të LPP-se, por me shumë i ngjanë një përshkrimi, duke mos arritur të argumentohet e kundërta e pretendimeve të OE ankues, me fakte dhe argument konkrete dhe bindëse, mirëpo një gjë e tillë nuk ka ndodhur as nga komisioni i vlerësimit në raportin e tij dhe as në vendimin mbi refuzimin e kërkesës për rishqyrtim nga ZPP, andaj duke u bazuar në këto fakte dhe analizës së mësipërme vlerësojë se pretendimi i palës në ankese në këto pika janë pjesërisht të qëndrueshëm.

Eksperti shqyrtues sqaron, se duke u bazuar në analizën e fakteve/dëshmive të dokumentuara në platformën elektronike e-prokurim, rrjedhën dhe analizën procedurës së prokurimit, lidhur me këtë aktivitet të prokurimit, AK – komisioni i vlerësimit, **nuk ka respektuar nenin 7, 59, 60, të LPP-së,** andaj **Është përgjegjësi, dhe në diskrecion të Autoritetit Kontraktues, respektivisht komisionit të vlerësimit – ZPP,** që procesi i vlerësimit, ekzaminimit dhe krahasimit të bëhet në harmoni të plotë me dispozitat ligjore të LPP-se, në këtë aktivitet të prokurimit, në mënyrë që të respektohen kërkesat e përzgjedhjes, specifikimet teknike Aneksi 1 dhe Aneksin 7 në dosje të tenderit si dhe të respektohen kriteret e dhënies.

Eksperti shqyrtues sqaron, se autoritetet kontraktues janë të obliguara që të sigurojnë që fondet publike dhe burimet publike të përdoren në mënyrën më ekonomike, njëkohësisht duke marrë në konsideratë qëllimin dhe lëndën e prokurimit, ashtu siç parashihet në **nenin 6 të LPP-së,** autoriteti kontraktues duhet të këtë në konsideratë edhe **nenin 1 të LPP-së,** pasi që dihet se qëllimi i këtij ligji është të sigurojë mënyrën më efikas, më transparent dhe më të drejtë të shfrytëzimit të fondeve dhe burimeve publike.

REKOMANDIMI I EKSPERTIT SHQYRTUES

Duke u bazuar në faktet, sqarimet e lartpërmendura dhe të gjeturat tjera në këtë raport, eksperti shqyrtues i propozon panelit shqyrtues që ankesa e OE ankues **të aprovet si pjesërisht e bazuar,** (për arsyen që u cek tek përgjigja në pretendimet si më lartë) dhe rekomandon që të anulohet B58-njoftimit mbi vendimin AK (vendimin për dhëni të kontratës) dhe lënda të kthehet në **Ri-vlerësim.**

Raporti i ekspertit shqyrtues, lidhur me ankesën e parashtruar nga OE "N.T.SH." CREATIVE DESIGN "", lidhur me aktivitetin e prokurimit "Furnizim me emblema për Njësinë Speciale" me numër të prokurimit: "214-23-6309-1-3-6, të iniciuar nga Autoriteti Kontraktues (AK) – POLICIA E KOSOVËS

Raporti i ekspertizës ti dorëzohet:

- Autoritetit Kontraktues – **POLICIA E KOSOVËS**
- Panelit Shqyrtues – **OSHP**
- OE ankues – **N.T.SH." CREATIVE DESIGN "**

Sahit Beqiri

